

U petak počinje Internacionalni plivački miting "Mladi za mlade"

Najveća smotra plivača u BiH

Na mitingu učestvuju i najbolje bh. plivačice Ivana Ninković i Nina Žarković, te olimpijac iz Srbije, Boris Stojanović

Već drugu godinu za redom udruženje "Mladi za mlade Sarajevo" i plivački klub "Sport time" u suorganizaciji sa Olimpijskim bazenom Sarajevo organizuju Internacionalni plivački miting "Mladi za mlade" koji se održava od 18. do 20. oktobra u Olimpijskom bazenu Sarajevo.

Prijave i iz Škotske


Kvalitetna organizacija i program mitinga koji je realizovan prošle godine, doveo je do toga da je ovogodišnji miting uvršten u kalendar FINA-e i LEN-e i kao takav podržan od strane Plivačkog saveza BiH, Mi-

nistarstva civilnih poslova BiH, Olimpijskog komiteta BiH, te Ministarstva kulture i sporta Federacije BiH i Kantona Sarajevo.

Internationalni plivački miting "Mladi za mlade" najveći je miting u BiH koji okuplja najbolje plivače iz regije i šire.

Dokaz tome jesu i prijave koje konstantno pristižu organizatorima, a dosada je potvrđen dolazak velikog broja plivačkih klubova iz BiH, zatim iz Srbije, Hrvatske, Slovenije, Crne Gore, Bugarske i Škotske.

Svoj dolazak najavio je legendarni trener plivanja Borut Petrić, glavni trener



S prošlogodišnjeg mitinga

Juga iz Dubrovnika, kao i slovenske reprezentacije, koji će dovesti dvije slovenske reprezentativke - Tanju Šmid i Špelu Bohinc.

Također, na mitingu učestvuju i najbolje bh. plivačice Ivana Ninković i Nina Žarković, te olimpijac iz Srbije, Boris Stojanović.

Takmičari će imati priliku natjecati se u pet disciplina za mušku i žensku kategoriju i na taj način boriti se za vrijedne novčane nagrade.

Organizatori mitinga uz pomoć kompanije MHS doo obezbjedili su novčane nagrade za prva tri mjesta

muške i ženske kategorije.

Grand prix trka

Pored medalja i novčanih nagrada u okviru programa mitinga planirana je Grand prix trka u disciplini 50m kral za mušku i žensku kategoriju, a takmičari koji budu imali naj-

Raspored takmičenja

Takmičenja će se odvijati prema sljedećem rasporedu:

PETAK, 18.10.2013.
od 15:30h -20:30h

SUBOTA, 19.10.2013.
od 07:30h -13:00h i
15:30h -20:00h

NEDJELJA, 20.10.
2013. od 07:30h -13:00h
i 15:30h -20:00h

bolje isplivano vrijeme u navedenoj utrci osvojiti će poklon sportske opreme.

Za ugodan i kvalitetan smještaj učesnika pobrinuo se hotel Hollywood i hotel BM. Novčane nagrade takmičarima omogućila je kompanija MHS doo, dok je generalni sponzor mitinga - BH Telecom. Medijski pokrovitelji projekta su: Antena Sarajevo, Klix.ba i Sport avaz. Podršku projektu pružili su: Ministarstvo civilnih poslova BiH, Ministarstvo kulture I sporta Kantona Sarajevo I Federacije BiH.

Kupovinom ulaznice donirate udruženje "EDUS"

Posjetioci koji se odluče podržati najbolje plivače regije, svoje ulaznice mogu kupiti na ulazu u tribine Olimpijskog bazena Sarajevo, a kupovinom ulaznice doniraju se sredstva udruženju „EDUS“ -udruženje za unapređenje obrazovanja i podrške djeci sa i bez poteškoća u razvoju s ciljem podrške radu i potrebama koje su neophodne za kvalitetniji rad s djecom.